

информације о природним или другим несрећама које пријете тим државама с подручја Босне и Херцеговине или с подручја неке треће државе, путем њихових комуникацијских центара.

- (3) Изнимно хитне информације о природној или другој несрећи, које не трпе никакву одгоду, Центар БиХ-112 одмах ће пренијети надлежним тијелима сусједних и других држава и међународних организација, а потом о учињеном извјестити министра безбједности.

Члан 20.

(Евиденција података)

Центар БиХ-112 води посебну евиденцију података о свим информацијама које се прикупљају и размјењују на међународном нивоу.

ПОГЛАВЉЕ V - ОБУЧАВАЊЕ И ОСПОСОБЉАВАЊЕ

Члан 21.

(Начин обучавања и оспособљавања)

- (1) Министарство безбједности проводи обучавање и оспособљавање лица Центра БиХ-112.
- (2) Обучавање и оспособљавање се врши на основу планова и програма које доноси министар безбједности.

ПОГЛАВЉЕ VI - ИНФОРМИСАЊЕ

Члан 22.

(Начини информисања)

- (1) Центар БиХ-112 обавјештава јавност о свим природним или другим несрећама преко информативних билтена, извјештаја, електронских медија (радија, телевизије), телетекста, интернет и других медија.
- (2) Институције и органи Босне и Херцеговине, ентитети и Брчко Дистрикт дужни су вршити преношење свих информација које затражи Центар БиХ-112 на основу указане потребе, а најмање једном мјесечно информисати о стању функционисања властитог система веза који се односе на све поремећаје који утичу на рад система у циљу сазнања могу ли се информати њихових оперативних и центара 112 примати и емитовати тим системом веза.
- (3) У случају проглашења стања природне или друге несреће на територији Босне и Херцеговине или њеном дијелу електронски медији у Босни и Херцеговини су дужни емитовати одређене информације Савјета министара и Координационог тијела БиХ, односно прекинути емитовање редовног програма на телевизији и радију, и објавити достављену информацију.
- (4) Начин и процедуре обавјештавања јавности ће се регулисати посебним процедурама комуникације које прописује министар безбједности у складу са чланом 14. тачка м) Оквирног закона о заштити и спасавању људи и материјалних добара од природних или других несрећа у Босни и Херцеговини.

ПОГЛАВЉЕ VII - ЗАВРШНЕ ОДРЕДБЕ

Члан 23.

(Доношење СОП-а)

Министарство у складу са чланом 14. тачка м) Оквирног закона о заштити и спасавању људи и материјалних добара од природних или других несрећа у Босни и Херцеговини прописује процедуре комуникација између институција и органа Босне и Херцеговине, те институција и органа Босне и Херцеговине с ентитетима и Брчко Дистриктом у случају природних или других несрећа.

Члан 24.

(Ступање на снагу)

- (1) Овај Правилник ступа на снагу осмог дана од дана објављивања у "Службеном гласнику БиХ".

- (2) Овај Правилник ће бити објављен у службеним гласилима ентитета и Брчко Дистрикта.

СМ број 143/09
11. јуна 2009. године
Сарајево

Председавајући
Савјета министара БиХ
Др Никола Шпирлић, с. р.

На основу члана 18. став (3) Оквирног закона о заштити и спасавању људи и материјалних добара од природних или других несрећа у Босни и Херцеговини ("Службени гласник БиХ", број 50/08) и члана 17. Закона о Вјећу министара Босне и Херцеговине ("Службени гласник БиХ", број 30/03, 42/03, 81/06, 76/07, 81/07, 94/07 и 24/08), на приједлог Министарства сигурности Босне и Херцеговине, Вјеће министара Босне и Херцеговине, на 90. сједници одржаној 11. јуна 2009. године, донјело је

ПРАВИЛНИК

O ORGANIZACIJI, UVJETIMA I NAČINU FUNKCIONIRANJA OPERATIVNO- KOMUNIKACIJSKOG CENTRA BOSNE I HERCEGOVINE - 112

POGLAVLJE I - OPĆE ODREDBE

Члан 1.

(Предмет)

Овим Правилником, сагласно члану 18. став (3) Оквирног закона о заштити и спасавању људи и материјалних добара од природних или других несрећа у Босни и Херцеговини ("Службени гласник БиХ", број 50/08) (у даљњем тексту: Закон) уређује се организација, увјети, задаци, начин рада и функционирање Оперативно-комуникацијског центра Босне и Херцеговине - 112 (у даљњем тексту: Центар БиХ-112), регулира начин обучавања и оспособљавања и начин информирања јавности.

Члан 2.

(Локација)

- (1) Центар БиХ-112 успоставља се у саставу Министарства сигурности Босне и Херцеговине (у даљњем тексту: Министарство) на примарној и секундарној локацији.
- (2) Примарна локација Центра БиХ-112 је у сутерену Зграде пријатељства између Грчке и Босне и Херцеговине.
- (3) Секундарну локацију Центра БиХ-112 одређује министар сигурности Босне и Херцеговине.

Члан 3.

(Употреба секундарне локације)

- (1) Секундарна локација преузима функцију примарне локације у ситуацијама проузрокованим природним или другим несрећама.
- (2) Када Центар БиХ-112 наставља рад на секундарној локацији на његов рад се примјенјују све одредбе овог Правилника.

Члан 4.

(Обавезе дavalaca услуга)

- (1) У складу са одредбама члана 18. став (1) и (2) Закона, телеком оператори и сервис оператори свих врста јавних телефонских услуга из било које мреже, обавезни су омогућити обављање услуге бесплатног позива на број 112 Центра БиХ-112 и оперативних центара ентитета и Брчко Дистрикта Босне и Херцеговине (у даљњем тексту: Брчко Дистрикт), путем којег грађани и туристи могу затражити помоћ и јављати информације о свим врстама опасности и појавима природних или других несрећа које примјете или за које сазнају, а у складу са Директивом Вјећа Европске уније и Европског парламента 2002/22/ЕС.
- (2) Након међународног уезивања Босне и Херцеговине на јединствени европски број за хитне службе 112, телеком оператори и сервис оператори свих врста јавних телефонских услуга дужни су осигурати одговарајуће везе по том броју за све центре из става (1) овог члана.

Član 5.

(Uvodnje broja 112)

Vijeće ministara Bosne i Hercegovine (u daljem tekstu: Vijeće ministara) posebnom odlukom će regulirati uvođenje jedinstvenog evropskog broja za hitne slučajeve - 112.

Član 6.

(Uvjeti i oprema za rad)

- (1) Za rad Centra BiH-112 moraju se osigurati neophodni uvjeti koji se odnose na prostor, materijalno - tehnička sredstva i opremu.
- (2) Oprema i sredstva Centra BiH-112 za potrebe informacijsko-komunikacijske podrške treba da osiguraju:
 - a) efikasnu organizaciju, funkcioniranje i koordiniranje akcijama zaštite i spašavanja u prirodnim ili drugim nesrećama na savremenim tehničko-tehnološkim osnovama,
 - b) pretpostavke za funkcionalno uvezivanje operativnih centara drugih institucija i organa Bosne i Hercegovine, kao i centara entiteta i Brčko Distrikta.
- (3) Za realiziranje aktivnosti iz st. (1) i (2) ovog člana nadležno je Vijeće ministara.

Član 7.

(Izgradnja i opremanje Centra BiH -112)

- (1) Izgradnja i opremanje Centra BiH-112 uređuju se posebnim projektom i Studijom izvodljivosti tehničko-tehnološkog i organizacijskog rješenja sistema za komunikacijsko-informacijsku podršku i koordiniranje u aktivnostima zaštite i spašavanja u prirodnim ili drugim nesrećama.

Član 8.

(Ispunjavanje zahtjeva kompatibilnosti i interoperabilnosti)

Sva rješenja u izgradnji i opremanju sredstvima i opremom centara 112 entiteta i Brčko Distrikta treba da ispune zahtjeve sa aspekata kompatibilnosti i interoperabilnosti za funkcionalno uvezivanje sa Centrom BiH-112.

Član 9.

(Način djelovanja i rada)

- (1) Centri 112 u Bosni i Hercegovini rade po principu subsidijarnosti, a u skladu sa zakonskim nadležnostima.
- (2) Centar BiH-112, u svakodnevnom operativnom prikupljanju i razmjeni informacija sa učesnicima zaštite i spašavanja, provodi i koordinira otkrivanje i praćenje svih vrsta opasnosti i njihovih posljedica.

Član 10.

Centar BiH-112 djeluje kao operativno komunikacijsko informacijsko čvorište za vezu u sistemu međunarodnog komuniciranja u oblasti zaštite i spašavanja.

Član 11.

Centar BiH-112 radi neprekidno, 0-24 sata, sedam dana sedmično (24/7).

Član 12.

(Državni službenici i zaposlenici)

Broj izvršilaca u Centru BiH-112 utvrđuje se Pravilnikom o unutrašnjoj organizaciji i sistematizaciji Ministarstva sigurnosti Bosne i Hercegovine.

POGLAVLJE II - ZADACI CENTRA BiH-112

Član 13.

(Zadaci Centra BiH-112)

Centar BiH-112 obavlja slijedeće zadatke:

- a) vrši prikupljanje, obradu i distribuciju podataka o svim oblicima opasnosti od prirodnih ili drugih nesreća na području Bosne i Hercegovine, za potrebe nadležnih institucija i organa Bosne i Hercegovine, entiteta i Brčko Distrikta, susjednih i drugih država i međunarodnih organizacija;
- b) obavještava i usmjerava obavijesti o prirodnim ili drugim nesrećama u i izvan Bosne i Hercegovine nadležnim institucijama i organima Bosne i Hercegovine, pravnim

osobama, centrima 112 entiteta i Brčko Distrikta, radi poduzimanja mjera i aktivnosti za zaštitu i spašavanje;

- c) prenosi informacije između učesnika zaštite i spašavanja;
- d) formira i izrađuje Standardne operativne postupke (u daljnjem tekstu: SOP) ili akcijske planove za sve vrste prirodnih ili drugih nesreća;
- e) prenosi odluke, preporuke, upute Vijeća ministara i Koordinacijskog tijela Bosne i Hercegovine za zaštitu i spašavanje (u daljnjem tekstu: Koordinacijsko tijelo BiH);
- f) prima, priprema i šalje izvještaje o poduzetim mjerama i drugim aktivnostima nadležnim institucijama i organima Bosne i Hercegovine, centrima 112 entiteta i Brčko Distrikta u toku provođenja aktivnosti na zaštiti i spašavanju;
- g) operativno provodi praćenje, prikupljanje, otkrivanje, objedinjavanje i raščlanjivanje podataka o prirodnim ili drugim nesrećama, posljedicama tih nesreća, posebno posljedica onih prirodnih ili drugih nesreća koje mogu ugroziti život, zdravlje i sigurnost ljudi, njihovu imovinu, prirodni okoliš, kulturna i materijalna dobra;
- h) ostvaruje stalni kontakt sa operativnim centrima institucija i organa Bosne i Hercegovine, centrima 112 entiteta i Brčko Distrikta radi prikupljanja odgovarajućih podataka i međusobne razmjene podataka od značaja za Bosnu i Hercegovinu, odnosno entitete i Brčko Distrikt;
- i) kontinuirano prati tok razvoja opasnosti te usmjerava i koordinira međusobno djelovanje učesnika u zaštiti i spašavanju na saniranju posljedica;
- j) učestvuje u sačinjavanju i održavanju jedinstvene baze podataka o snagama i sredstvima za zaštitu i spašavanje i izvorima opasnosti koji mogu izazvati prirodne ili druge nesreće;
- k) vodi jedinstvenu informacijsku bazu podataka o prirodnim ili drugim nesrećama i poduzetim mjerama u području zaštite i spašavanja;
- l) osigurava tehničke uvjete za izvještavanje sa mjesta prirodne ili druge nesreće za Koordinaciono tijelo BiH;
- m) razvija sopstveni komunikacijski sistem za slučaj prirodnih ili drugih nesreća nezavisan od javnih i privatnih operatera i drugih imalaca privatnih komunikacijskih sistema i mreža;
- n) prati i usprjeđuje funkciju fiksnih, mobilnih i satelitskih veza uspotavljenih za rad Centra BiH-112;
- o) kontinuirano prati razvoj i usavršavanje sistema;
- p) vrši i druge poslove za zaštitu i spašavanje u skladu sa odlukama Vijeća ministara i ministra sigurnosti.

POGLAVLJE III - CENTRI 112 ENTITETA I BRČKO DISTRIKTA

Odjeljak A. RAD CENTARA 112 ENTITETA I BRČKO DISTRIKTA

Član 14.

(Aktivnosti, koordinacija i razmjena podataka)

Centri 112 entiteta i Brčko Distrikta u redovnim aktivnostima i u slučajevima proglašenja prirodne ili druge nesreće prikupljaju i razmjenjuju informacije sa učesnicima zaštite i spašavanja, provode i koordiniraju otkrivanje i praćenje svih vrsta opasnosti i njihovih posljedica na području entiteta i Brčko Distrikta i te podatke dostavljaju i razmjenjuju sa Centrom BiH-112.

Odjeljak B. UVEZANOST CENTRA BiH -112 I NAČIN SARADNJE SA CENTRIMA PRAVNIH LICA, INSTITUCIJA, ORGANA I SLUŽBI BOSNE I HERCEGOVINE

Član 15.

(Vrste povezanosti)

- (1) Unutar komunikacijsko-informacijskog sistema Centra BiH-112 prikupljanje i razmjena informacija ostvaruje se vertikalno i horizontalno.

- (2) Vertikalna povezanost u Centru BiH-112 ostvaruje se od Centra BiH-112 preko Centara 112 entiteta i Brčko Distrikta, i u obrotom smjeru.
- (3) Horizontalna povezanost u prikupljanju i razmjeni informacija ostvaruje se koordinirano na nivou Centra BiH-112 i svih drugih centara pravnih lica, institucija, organa i službi Bosne i Hercegovine.

Član 16.
(Razmjena informacija)

- (1) Centar BiH-112 u redovnim i u situacijama prirodne ili druge nesreće vrši razmjenu podataka sa centrima pravnih lica, institucija, organa i službi Bosne i Hercegovine.

POGLAVLJE IV - AKTIVNOSTI CENTRA BiH - 112 U MEĐUNARODNOJ SARADNJI

Član 17.
(Prikupljanje i razmjena informacija)

Na međunarodnom nivou Centar BiH-112 prikuplja i razmjenjuje informacije s nadležnim tijelima susjednih i drugih država i međunarodnih organizacija putem njihovih komunikacijskih centara, o prijetnji nastanka prirodne ili druge nesreće sa prekograničnim efektima, odnosno njihovom nastanku na području susjednih ili drugih država, posebno ako opasnost prijete i Bosni i Hercegovini.

Član 18.
(Djelovanje u skladu sa propisanim procedurom)

Centar BiH-112 u slučaju prijetnje, odnosno nastanka prirodne ili druge nesreće, postupa na osnovu preuzetih obaveza Bosne i Hercegovine, u skladu s propisanim postupkom i uz primjenu standardnih obrazaca o nesrećama propisanim međunarodnim konvencijama, ugovorima i sporazumima.

Član 19.
(Način dostavljanja informacija)

- (1) Prikupljene informacije o prirodnoj ili drugoj nesreći koja prijete Bosni i Hercegovini s područja druge države, smatraju se informacijama od prioriteta koje Centar BiH-112 odmah dostavlja nadležnim institucijama i organima Bosne i Hercegovine, entiteta i Brčko Distrikta, prvenstveno Vijeću ministara i ministru sigurnosti, a potom ostalim nadležnim institucijama, organima i službama radi pravovremenog poduzimanja svih potrebnih mjera za sprječavanje nastanka i/ili širenja prirodne ili druge nesreće na području Bosne i Hercegovine.
- (2) Centar BiH-112 dostavlja nadležnim tijelima susjednih i drugih država i međunarodnim organizacijama informacije o prirodnoj ili drugoj nesreći koje prijete tim državama s područja Bosne i Hercegovine ili s područja neke treće države, putem njihovih komunikacijskih centara.
- (3) Iznimno hitne informacije o prirodnoj ili drugoj nesreći, koje ne trpe nikakvu odgodu, Centar BiH-112 odmah će prenijeti nadležnim tijelima susjednih i drugih država i međunarodnih organizacija, a potom o učinjenom izvijestiti ministra sigurnosti.

Član 20.
(Evidencija podataka)

Centar BiH-112 vodi posebnu evidenciju podataka o svim informacijama koje se prikupljaju i razmjenjuju na međunarodnom nivou.

POGLAVLJE V - OBUČAVANJE I OSPOBLJAVANJE

Član 21.
(Način obučavanja i osposobljavanja)

- (1) Ministarstvo sigurnosti provodi obučavanje i osposobljavanje osoblja Centra BiH-112.
- (2) Obučavanje i osposobljavanje se vrši na osnovu planova i programa koje donosi ministar sigurnosti.

POGLAVLJE VI - INFORMIRANJE

Član 22.
(Načini informiranja)

- (1) Centar BiH-112 obavještava javnost o svim prirodnim ili drugim nesrećama preko informativnih biltena, izvještaja elektronskih medija (radija, televizije), teleteksta, interneta i drugih medija.
- (2) Institucije i organi Bosne i Hercegovine, entiteta i Brčko Distrikta dužni su vršiti prenošenje svih informacija koje zatraži Centar BiH-112 na osnovu ukazane potrebe, a najmanje jednom mjesečno informirati o stanju funkcioniranja vlastitog sistema veza koji se odnose na sve poremećaje koji utiču na rad sistema u cilju saznanja mogu li se informacije njihovih operativnih i centara 112 primati i emitirati tim sistemom veza.
- (3) U slučaju proglašenja stanja prirodne ili druge nesreće na teritoriji Bosne i Hercegovine ili njenom dijelu elektronski mediji u Bosni i Hercegovini su dužni emitirati određene informacije Vijeća ministara i Koordinacionog tijela BiH, odnosno prekinuti emitiranje redovnog programa na televiziji i radiju, i objaviti dostavljenu informaciju.
- (4) Način i proceduru obavještavanja javnosti će se regulirati posebnim procedurama komunikacije koje propisuje ministar sigurnosti u skladu sa članom 14. tačka m) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini.

POGLAVLJE VII - ZAVRŠNE ODREDBE

Član 23.
(Donošenje SOP-a)

Ministarstvo u skladu sa članom 14. tačka m) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini propisuje procedure komunikacija između institucija i organa Bosne i Hercegovine, te institucija i organa Bosne i Hercegovine, entiteta i Brčko Distrikta u slučaju prirodnih ili drugih nesreća.

Član 24.
(Stupanje na snagu)

- (1) Ovaj Pravilnik stupa na snagu osmog dana od dana objavljivanja u "Službenom glasniku BiH".
- (2) Ovaj pravilnik će biti objavljen u službenim glasilima entiteta i Brčko Distrikta.

VM broj 143/09
11. juna 2009. godine
Sarajevo

Predsjedavajući
Vijeća ministara BiH
Dr. Nikola Špirić, s. r.

Na osnovi članka 18. stavak (3) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini ("Službeni glasnik BiH", broj 50/08) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva sigurnosti Bosne i Hercegovine, Vijeće ministara Bosne i Hercegovine, na 90. sjednici održanoj 11. lipnja 2009. godine, donijelo je

PRAVILNIK

O ORGANIZACIJI, UVJETIMA I NAČINU FUNKCIONIRANJA OPERATIVNO-KOMUNIKACIJSKOG CENTRA BOSNE I HERCEGOVINE - 112

POGLAVLJE I - OPĆE ODREDBE

Članak 1.
(Predmet)

Ovim Pravilnikom, suglasno članku 18. stav 3. Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini ("Službeni glasnik BiH", broj: 50/08) (u daljnjem tekstu: Zakon) uređuje se